



დატიბება და ნუბეში

„ ხოლო ვინც წინასწარმეტყველებს, ის ადამიანებს ელაპარაკება აღსაშენებლად, სანუგეშოდ და გასამხნეველად“ (I კორ. 14, 3)

უბრალო დარიგება მართლმადიდებლური ეკლესიის გამოცდილებიდან

წმინდა ანგელოზების სახ. დედათა მონასტრის გამოცემა
ათიდან ატიკა საბერძნეთი
№ 12 • აგვისტო 2018

✠ სარჩევი ✠

● **ტექსტი № 1:** „უწყოდნენ როგორ ეცხოვრათ!...“

სასოება: სიცოცხლე ზეცით

● **ტექსტი № 2:**

თხრობაჲ სასწაულთათვის წმინდისა და ღმერთშემოსილისა მამისა შიოხსთა

● **ტექსტი № 3:** აბორტი გაიკეთა

„არ ძალმიძს ვეცრუო საკუთარ თავს...“

● **ტექსტი № 4:** „ძლეულ-იქმნეს ბუნებანი მეტყუელნი...“

სამი სხივმფენი ვარსკვლავი ყოვლადპატიოსანი ღმრთისმშობელისა

● **ტექსტი № 5:**

„იგი მეგობრად ჩვენდა იწოდების...“

● **ტექსტი № 6:** „არა მრავალთა ასხენ ყურნი სმენად“

გულისხმიერება სიყვარულის საუკეთესო გამოვლინებაა

● **ტექსტი № 7:** მღვიძარე სინდისი

„დღითი დღე ახლოს სასუფეველთან“

„უწყოდნენ როგორ ეცხოვრათ!...“

სასოება: სიცოცხლე ზეცით*

„ისინი ყოველივეს სულგატელებით დაითმენდნენ!“

სასოება ვაცთა მომართ ღვთის სიყვარულისა და მფარველობის რწმენის ნაყოფია!

- „მღვიძარე იყვენით“, - ამბობდა ერთი ღვთივგანბრძნობილი მამა, - რათა ეშმაკმა თვალნი სულისა თქვენისანი უიმედობით არ დაბურთს და ყველაფერს მუქ ფერებში არ აღიქვამდეთ.

ეკრძალებით დრტვინვას. თქვენი სამდურავები ღლიან გარშემო მყოფთ და არც ღვთისთვის სათნო არიან, - ისინი ხომ ურწმუნოებისა და უმადურობის ნაყოფია.

„ყოველი დღე ლოცვით დაიწყეთ და მხიარულ-იყოს პირი თქვენი.

გახსოვდეთ, რომ ასე ცხოვრობდნენ ჩვენი მამანი. გულის სარკეზე გამოეწერათ, გარეშეთათვისაც მუდამ ჰქონდათ ღმობიერებით სავსე სიტყვები: „მშვიდობა თქვენდა“ და „დიდება უფალს“ - უწყოდნენ ღვთისთვის სათნოდ როგორ ეცხოვრათ!

განა არ ჰქონდათ მათ პირადი მწუხარებანი? სნეულნიც იყვნენ და სახმართაგან ნაკლულევანნიც, მაგრამ ყოველივეს ღვთის სასოებით დათმენა შეძლეს: ლოცულობდნენ, მოთმინედ იდგნენ და იმარჯვებდნენ.



(*) ვარნაკოვის ღვთისმშობლის სახელობის მონასტრის გამოცემა, „მადლმოსილი ვარნაკოვის ღმრთისმშობელი“, გვ. 57, 2011.

თხრობა სასწაულთათვის წმინდისა და ღმერთშემოსილისა მამისა შიოხსთა სასწაული მეთორმეტე

საკსენებელსა დიდებულისა მამისა შიოხსა იყო ერისა კრება მონასტერსა მღუმისასა და მუნ იყო მეფე და ყოველნი მთავარნი, ჩუეულები-საებრ, და სარმიანე მამათმთავარი, ყოველთა თანა ეპისკოპოსთა თუსთა. იყვნეს ვინმე კაცნი მეგვბტელნიცა მაშინ მუნ სარწმუნოებისაგან იაკობთაჲსა, რომელნი მოვიდეს ქალაქით ტფლისით. ამათ, ვითარცა იხილეს მოსლვაჲ-კათალიკოზისაჲ, მივიდეს წინაშე მისსა და მიაართუეს ძღუენი რაჲმე ქუეყანისა მათისაჲ. და მოიღეს რაჲ კურთხევაჲ მის მიერი, ჰრქუეს მას: „წმიდაო მეუფეო, ღირს მყვენ დღეს ზიარებად წმიდითა კელითა შენითა“. ხოლო მან არარაჲ გამოიკითხა, თუ ვინ, რომლისა სარწმუნოებისანი არიან, არამედ ჰრქუა დიაკონსა თუსსა, რაჲთა ჟამსა ზიარებისასა მოიყვანნეს ივინი.

იქმნა უკუე წმიდაჲ ჟამისწირვაჲ და მივიდეს კაცნი იგი, და აზიარა კათალიკოზმან სარმიანე კელითა თუსითა.

გამოვიდეს რაჲ ეკელესიით, ისტუმრნა მეფემან სერსა თუსსა ყოველნი, და წარვიდა კათალიკოზი მას დღესა მცხეთად, რამეთუ მოუ-წოდდა მას ზვალისა დღე ქსენებაჲ ყოველთა სულთა ქრისტიანეთაჲ.

მოიწია რაჲ მწუხრი, ძილსა შინა გამოუჩნდეს ვინმე სარმიანე კათალიკოზსა, კაცნი დიდებულნი ხილვითა და საშინელნი ხატითა, და ერთი იგი იყო მღდელთმოდღუარი, ხოლო თავსა მისსა ზედა მდებარედ კუნკულისა მსგავსი რიდე, ხოლო ერთი იგი - მონაზონი მოხუცებული, რომელსა აქუნდა კუერთხი ოქროჲსა, რომელსა ზედა იყო ჯუარი. და ვითარ იხილნა ივინი, სარმიანეს ზარი-განჰკდა, და იგონებდა, თუ ვინ არიან ივინი. და ვიდრე-იგი ამას განიზრახვიდა, მივიდეს და მოსძარცუეს სარმიანეს ზეწარი მისი, და ესრეთ მღდელთმოდღუარი იგი მიეფარა, ხოლო მონაზონი იგი დაადგრა ზრახვასა შინა მისსა და ეტყოდა: „ჰ სარმიანე, ვითარ ჰხედავ თავსა შენსა?“ და მან ჰრქუა: „ვითარცა განბასრებულსა“. და მან ჰრქუა: „ფრიად გთნავსა ეგე?“ და მიუგო კათალიკოზმან: „და ვითარმცა არა, რამეთუ სასწაული ღმერთისაჲ ჩემ ზედა მდებარე მიმიღეთ“.



და გამოჩინებული იგი ეტყოდა: „ჰ ძმაო, რომელთა განაშიშულეს ქრისტე ღმერთი ბუნებისა და მოქმედებისა და ნებისა მისისიგან, და არცა ღმრთეებითა საცნაურ-ჰყვეს იგი და არცა კაცებითა გამოაჩინეს ძალი მისი, და შენ შეიწყნარენ ზიარებად კორცსა და სისხლსა ქრისტესსა, რაოდენ უფროჲს მიმიღე აღუჩნდეს ცათა და ქუეყანისა შემოქმედსა მას მეუფესა ესე!“

ხოლო კათალიკოზი ეტყოდა: „და ვინ არიან ივინი, უფალო ჩემო?“ და მან ჰრქუა: „ივინი, რომელთაგან ძრუენი მიიღე, და ამან დააბრმო გული შენი არღარა გამოკითხვად, თუ ვინ არიან ივინი, და ესრეთ შეურაცხჰყავ სჯული ღმრთისაჲ მწვალებელთა მათ ბილწთა მიერ, და აჰა ესერა შიშუელ ხარ მაღლისაგან ღმრთისა შენცა“.

ხოლო შემინებულ იქმნა იგი სიტყუათა მათგან და ზარტენილ, და ძლით მიუგო მას, ვითარმედ: „და შენ ვინ ხარ, უფალო ჩემო, რომელი ეგრეთ ეძიებ ცხორებასა ჩემსა, ანუ ეპისკოპოსი იგი ვინ იყო, რომელი პირველ ვიხილე შენ თანა?“

ჰრქუა მას მოხუცებულმან მან: „ეპისკოპოსი იგი - კურილე მამათა-ვარი ალექსანდრიისა, რომელმან მრავალი ღუაწლი თავსიდეჲ ჭეშმარი-ტისა სარწმუნოებისათუს მართლმა-დიდებელთაჲსა, რომელი დღეს შენ დასთრგუნე არაწმიდად. ხოლო მე ვარ მონაჲ ღმრთისაჲ შიო, რომელი გეტყვ“, და უჩინო იქმნა მისგან.

და განჰკრთა ძილი სარმიანეს და შეეფოთებულმან იწყო ურვად და მწუხარებად, და მსწრაფლ უბრძანა, რაჲთა ყოველნი ეპისკოპოსნი შემოჰკრებენ ეკლესიად, და მიუთხრა ჩუენებაჲ ესე მრავლითა ცრემლითა, და იკითხვიდა მათგან, თუ ვითარ ყოს სინანული საქმისა მისთუს.

ხოლო მათ განბჰეს ესრეთ: „რაჲთა პირველად მოიღოს ძღუენი იგი, იაკობთა მათგან მიღე-ბული, და გარეშე ბჰეთა დაიწუვას. ხოლო შენ აღიმსთუე და მივედ წმიდისა შიოჲს მონასტერსა და პირველად მაღლი აღუარე, რამეთუ ესრეთ მოღუაწებით გამოგეცხადა, და მერმე ორმეოცთა ამათ დღეთა დიდითა მოღუაწებითა აჩუენე სინანული. ხოლო ჩუენ განვეკრძალნეთ ყოველნი თუთოეულად ლოცვასა და მარხვასა, და ვევედრნეთ ღმერთსა შენდობისათუს მაგის ბრალისა შენისა. და ინებოს თუ ძვირ ქსენებლო-ბითა თუსითა და გამოგეცხადოს-ცა აღსასრული

→ გაგრძელება იხ. მე-8 გვერდზე

■ აბორტი გაიკეთა

„არ ძალმიძს ვეცრუო საკუთარ თავს.
მცნება დაგიდეთ
„არა კაც-ჰკლა““*

ყოვლადწმინდა ღმრთისმშობელი
შეგვიწყალებს მისდამი
განსაკუთრებული სიყვარულის გამო

იგი სამრევლოს ყველა საქველმოქმედო საქმიანობაში იღებდა მონაწილეობას. ისე ჩანდა, რომ ეკლესიის ორგანიზმის ცოცხალ წევრი იყო. საიდულოებებს რეგულარულად აღასრულებდა: აღსარებას ამბობდა და ეზიარებოდა. მასზე ამბობდნენ, რომ ქალბატონი ევფროსინე – სამაგალითო ქრისტიანია.

თესალონიკის მახლობლად პატარა ქალაქში ცხოვრობდა. ათონის წმინდა მთიდან ხშირად ჩამოდოდნენ სასულიერო პირები მსურველთაგან აღსარების მისაღებად.

ქალბატონი ევფროსინეც მათ შორის იყო. მასაც განსაკუთრებით უყვარდა ღმრთისმშობელი და ბევრს ევედრებოდა. სადილს ამზადებდა, გვიდა და თუ სხვა რაიმეს საქმიანობდა, სულ ჩურჩულებდა: „ყოვლადწმინდაო ღმრთისმშობელო, გვაცხოვნენ ჩვენ.“

და სინამდვილეში, სწორედაც რომ ღმრთისმშობელმა იხსნა იგი თავისი მეოხებით. ყველაფერში სამაგალითო ქალბატონი, გულწრფელად არ აღიარებდა ცოდვებს. ის თავის ყველაზე მძიმე ცოდვას მალავდა მოძღვრისაგან. ახალგაზრდობაში მკვლელობა ჩაიდინა და მუცელში მოკლა თავისი შვილი! აბორტი გაიკეთა...

ღმერთი ელოდა მის სინანულს, მაგრამ... იგი მოულოდნელად გარდაიცვალა! ძალიან დამწუხრდა მთელი მრევლი, მეორე დილას ყველა შეიკრიბა მის დაკრძალვაზე. წესის აგებისას გარდაცვლილი გაცოცხლდა! თავიდან მრევლი პანიკამ მოიცვა, მაგრამ შემდეგ ყველაზე მამაცებმა თავი ხელში აიყვანეს და მღვდელთან ერთად გონზე მოსვლაში მიეხმარნენ მას. როდესაც მთლიანად დაუბრუნდა შემეცნება, ცრემლმორეულმა ევფროსინემ ითხოვა მის-



თვის მოესმინათ.

„შემუსვრილი და დამდაბლებული“ მოუთხოვდა ყველას გარდაცვალების შემდეგ როგორ მიიყვანა მფარველმა ანგელოზმა ღმრთის სამინელო სამსჯავროზე.



გულთამხილავმა უფალმა ბრძანა, რომ მას აქვს უღიარებელი მკვლელობის ცოდვა, რის გამოც შეუძლებელია მისთვის უფლის სამეფოში შესვლა. მაშინ ყოვლადმოწყალებული დედოფალი ღმრთისმშობელი მეოხად დაუდგა და ევედრებოდა უფალს ამ სულის გადარჩენას.

„ჰოი, დედაო, მან მკვლელობა ჩაიდინა. მე კი მცნებად დავდე „არა კაც-ჰკლა“. არ ძალმიძს ვეცრუო საკუთარ თავს!“ – უპასუხა უფალმა.

ყოვლადწმინდა ღმრთისმშობელი არ დასცბრებოდა ვედრებისაგან, მაშინ დაუთმო უფალმა და ბრძანა: „მე შემოძლია დავუბრუნო იგი მიწიერ ცხოვრებას და თუ ისურვებს თავისი უმძიმესი ცოდვის აღიარებას, იგი გადარჩება“.

„როგორც ხედავთ ღმრთის წამისყოფით საკუთარ სხეულს დავუბრუნდი“, – თქვა მან. „ახლა კი, მსურს ყველას წინაშე ვაღიარო ცოდვა, რომელსაც აქამდე ვმალავდი...“.

ევფროსინემ ცრემლებითა და დიდი სინანულით აღიარა თავისი ცოდვა. დამსწრენი მასთან ერთად ტიროდნენ. როდესაც დაასრულა, მღვდელმა წაუკითხა შენდობის ლოცვა და მან მშვიდად მიიძინა მართალთა ძილით.

მთელს საბერძნეთში გახმაურდა მაშინ ეს ამბავი. ათეული წლების წინ ადგილობრივ გაზეთებშიც კი წერდნენ ამის შესახებ. მაგრამ უნდა გვახსოვდეს, რომ ამგვარი „მკვდრეთით აღდგომა“ ძალიან იშვიათად ხდება. სინანულისა და ცოდვათა აღიარების შესაძლებლობა მხოლოდ ამ ცხოვრებაში გვეძლევა. საუკუნო განსასვენებელში კი მოგვეგება ცოდვათა ჩვენთათვის და ჩვენი არჩევანის შედეგებს მოვიმკით.



(*) „ამბები ზეციდან“, ვარნაკოვის ყოვლადწმინდა ღმრთისმშობლის სახელობის მონასტრის გამოცემა, ღორიდა 2005, გვ. 86-87.

მარადის ქალწული მარიამის ყოვლადპატიოსანი მიძინების შესახებ

სამი სხივმფენი ვარსკვლავი ყოვლადპატიოსანი და კეთილშენიერი ღმრთისმშობელისა*

„ძლეულ-იქმნეს, ბუნებანი მეცყუელნი, შენთვის ქალწულო უბიწო“

ა. საესება მადლისა



ყოველთა ცომთათვის ქვეყანისათა სასიხარულო - მიძინება და ზებუნებრივი აღსვლა ზეცისა სავანეთა მადლმოსილი ღმრთისმშობელისა სხვა ღმრთისმშობლის დღესასწაულებზე უფრო

მეტად აღძრავს კეთილკრძალოთ და ყოვლადწმიდის მოყვარულთ, შეჰნატრონ დახოცბა შეასხან ყოვლადუბიწო ღმრთის ასულს.

ჴემზარიტად, ყოვლადწმიდა ქალწული წყაროა სიხარულისა და ნეტარებისა და როგორც ჩვენი მართლმადიდებელი წმინდანები დიდების მეცყველებენ:

„ღმრთისმშობელი სრულ-ჰყოფსმათ ნეტარებას, ვინც მოუკლებელად ღმრთისმოშიშებით უგალობს და შესხმას უძღვნის მას“.

ვითარი სახით, აზრით, ვითარი გულით და ბაგეებით შეგვიძლია შევიცნოთ ჩვენ ცოდვილებმა მთელი სიდიადე ყოვლადკურთხეულისა და აღვაავლინოთ ქება მისდამი, მადლთა მშობელისა? როგორ შევამკოთ ყოვლად მიმადლებული-აღსავსე სულის წმიდის სრული მადლისმიერი ნიჭებით?

„ღმრთისმშობელი ცაძარ-არს ყოველთა საღმრთოთა მადლთა სისრულისა“ - ამბობს ღირსი ნიკოდიმოს მთაწმინდელი, „და მასში დიან ყოველნი მდინარენი ნიჭთანნი, რომელთაც მხოლოდ ნაწილობრივ მიიღებენ ყველა ზეციური და მიწიერი ქმნილებანი - გუნდნი ანგელოზთანი და კაცთა ნათესავი ერთად“. ამგვარად, „იგი მხოლოი იქმნა ხიდ-შემაერთებელშემოქმედსა და ქმნილებას შორის“.

ყოველთა დედოფალმა ქალწულმა სამგზის მიიღო „სისავსე ყველა ღვთაებრივ, მადლმოსილ ნიჭთა“: უწინარეს შობისა სიტყვისა ღმრთისა, შობასა მისსა და შემდგომად თვისისა უკვდავისა დაძინებისა: „პირველი საკვირველება ესე დიდ-არს,

მეორე უადრეს ამისა, ხოლო მესამე უზესთაეს ყოველთასა“.

ვინმე შეუძლოს თხრობად ჩვენდა მრჩობლნი საკვირველებანიუბიწოისაქალწულისა?... ყოველნი გამოუთქმელნი და მიუწვდომელნი საიდუმლონი, რომელნიც აღასრულა მას ზედა კაცთმოყვარე უფალმან?... რომელმან

„შეამკო იგი სამი საღმრთო ნიჭით, ვითრცა სამი გასხივოსნებული ვარსკვლავით, რომლითაც არავინღირს-ქმნილა დედათა შორის: ქალწულებანი პირველ შობისა, შობასა შინა ქალწულებანი და შემდგომად შობისა ძისა კვალად ქალწულებანი - სხვაგვარად რომ ვთქვათ - ჰგიეს ქალწულად საუკუნოდ“5.

ამ მიზეზით, კეთილმსახური ხატმწერები იყენებენ მთელ თავის ხელოვნებას რომ „საიდუმლოდ“ გამოსახონ ყოვლადწმიდა ღმრთისმშობლის მარადის ქალწულება.

„როდესაც ჩვენ ყოვლადწმიდა ღმრთისმშობლის ხატს ვხატავთ“ - წერს ღირსი ნიკოდიმოსი, „ჩვენ გამოვსახავთ სამ ვარსკვლავს: ერთს მის ყოვლადუბიწო ქალწულებრივ თავზე, ერთს მარჯვენა და ერთს მარცხენა მხარზე - ნიშნად იმისა, რომ უხრწნელი დედოფალი ღმრთისმშობელი იყო ქალწული შობამდე, შობისას და შემდგომადშობისა“.

ბ. სამი საკვირველი შრომანი

იმედს ვიცოვებთ, რომ ყოვლადსანატრელი დედოფალი მოგვიტევებს ჩვენს კეთილკრძალოლ კადნიერებას, მის უსაზღვრო და გამოუთქმელ ბრწყინვალეებაზე დიდების მეცყველების მცდელობისას, „რომლისათვის გული უთქუამს ანგელოზთა ხილვად“ და მოვიყვანოთ საკვირველ სასწაულს. ეს სასწაული თავისებურად მიაგებს პატივს, დიდებასა და ქებას ღმრთისმშობლის დიდებულებას, რომელმაც წმ. ანდრია კრიტი-



ლის თქმით, „განხორციელდა დიდი საკვირველი განგებულებისა ღმრთისა“ და რომელიც გამოჩნდა „ახალი საწმისი დაუღვევნელი მირონისა“.

ქრისტეს შობიდან დაახლოებით 700 წელს, ათენში ცხოვრობდა ერთი ქრისტიანი კაცი, სახელად ეგიდი. იგი ფრიად განსწავლული იყო საღმრთო საქმეებში და უფრო მეტად კი განბრძნობილი სათნოებებით. მშობლების გარდაცვალების შემდეგ, მან მთელი თავისი ქონება გლახაკებს დაურიგა და იერუსალიმის შემოგარენში დასახლდა. იგი უდაბნოს სიღრმეში ერთ გამოქვაბულში დაემკვიდრა, რომელიც წყაროს გვერდით მდებარეობდა და ხშირი ხეებით იყო დაბურული. ღირსი ეგიდი მკაცრ მონაზვნურ ცხოვრებას ეწეოდა, მცირეოდენი ნედლი ბალახით იკვებებოდა, მუდმივად მღვიძარებდა და მოუკლებელ ღმრთისმსახურებას ეძლეოდა, შეერთებულს ჭვრეტასა და ლოცვასთან. ამგვარად, იგი სულიწმიდის მადლით ღირს იქმნა მრავალი სულიერი ნიჭებისა, მათ შორის წინასწარცნობისა.

მისი სამოღვაწეო ადგილის სიახლოვეს იყო ციხე-სიმაგრე, რომელშიც ერთი სწავლული ცხოვრობდა. ამ უკანასკნელს მიუდგა ემშაკი და მისი გონება ეჭვებით მოიკვა:

„ვითარ შესაძლებელ-არს, რომელ შემდგომად შობისა, ყოვლადწმინდა ღმრთის-მშობელი გახდა დედა და დარჩა ქალწული?“

მას სძლიერ სტანჯავდა ეს აზრი, ვერ პოულობდა ისეთ პასუხს, რომელიც დააწყნარებდა მის გონებას.

და აი, გაიგო, რომ განდევილი ეგიდი დაჯილდოვებულია ღმრთის მადლითა

და კაცობრივი სიბრძნით და გაემართა მისი გამოქვებულისაჲ, რათა თავის მტანჯველ ფიქრებზე კითხვა დაესვა, იმ იმედით, რომ გათავისუფლდებოდა გმობის აზრებისაგან.



სანამ იგი ჯერ კიდევ გზად იყო გამოქვაბულისაჲ, ღირსი მამა გამოვიდა მის შესახვედრად, რამეთუ ღმრთის მადლმა აუწყა სწავლულის მოსვლისა და მისი განზრახვის შესახებ.

როდესაც ის მიუახლოვდა სენაკს, თაყვანისცა წმინდა მოღვაწეს. წმინდა ეგიდიმ არათფერი უპასუხა მას, დაჰკრა კვერთხი კლდეს და ხმამაღლა წარმოსთქვა:

– „ქალწული უწინარეს შობისა“.

და იქვე ქვიდან აღმოსცენდა საკვირველი შრომანი, ზეციური კეთილსურნელებით.

შემდგომ კვლავ დაამტკიცა კვერთხის ცემით:

– „შობასა შინა ქალწული“.

და აღმოსცენდა მეორე უმშვენიერესი შრომანი, ვითრცა პირველი.

წმინდა მამამ მესამედ დაჰკრა კლდეს კვერთხი და აღიარა:

– „და შემდგომად შობისა ქალწული“.

და იქვე ჩამოიზარდა მესამე შრომანი, ულამაზესი ყოველთა.

ამის შემდეგ წმინდანი შებრუნდა და თავისი სენაკისაკენ გაემართა, ისე რომ აღარ წარმოუთქვამს არცერთი სიტყვა.

სწავლული მადიწუნამომხდარმა. ამგვარად, ის გათავისუფლდა ბოროტი აზრებისგან და ყველას მოუთხრობდა ამ სასწაულის შესახებ, სადიდებელად უფლის ყოვლადუბიწო დედისა.

(*) შურნალი „წმინდა კვიპრიანე“ № 315/ივლისი-აგვისტო 2003, გვ.249-250.

„იგი მეგობრად ჩვენდა იწოდების... ვუწყით სიყვარული მისი...“ *

„თქვენ მეგობარნი ჩემნი ხართ“ (იოანე 15, 14), - ამბობს მაცხოვარი სახარებაში და გვინოდს ჭეშმარიტად მეგობრად ვიგულოთ იგი. ჩვენც თანაგვადს შეუორგულელებლად ვერწმუნოთ, თავადაც მეგობრად მეგვრაცხოთ და მივეახლოთ მას.

დავეცით? ვცოდავთ? - სიყვარულით და სარწმუნოებით ვისწრაფოთ მისკენ, ვითარცა უმახლობელესისკენ, არა სასჯელის შიშით, არამედ კადნიერად, იმის შეგრძნებით, რომ „იგი არს მეგობარ ჩვენდა“, შევლალადოთ: „უფალო, შეგცოდე, მომიტევე მე“.

და უფალიც არ დააყოვნებს, უმალ შევი-

გრძნობთ მის სიყვარულს, ვი-გრძნობთ როგორი სითბოთი და სიყვარულით შეგვიტკობს, შეგვივედრებს და ცოდვებს შეგვინდობს.

დაე, ნურასოდეს განგვაშორებს ცოდვა ქრისტესგან! ნუ იყოფინ! გვნამდეს, რომ „ღმერთი სიყვარული არს (1იოანე 4,8), თავადაც ვეგნეთ სიყვარულსა ზედა მისსა და ეს სიყვარული, ორმხრივი და ყოვლისმომცველი, ცოდვით დაცემულთაც დაგვიფარავს ღვთისგან უცხო ქმნისაგან და არ განგვაშორებს მას.



(*) „პროტატოს“, N. 119/ივნისი-სექტემბერი, 2010, გვ.95.

■ „არა მრავალთა ასხენ ყურნი სმენად“

გულისხმიერება სიყვარულის საუკეთესო გამოვლინებაა*

„ეკლებიანი ზღარბიც კი არ დაგხვლეთს, თუ მზრუნველად და ფაქიზად შეავლებ ხელს“...



უფალი, ვითარცა მამა და შემოქმედი, გვიჩვენებს უმაღლეს გულისხმიერებას და შემდეგი სიტყვებით აღვძრავს ურთიერთგაგებისაკენ: „და ვითარცა იგი თქვენ გნებავს, რადთა გიყონ კაცთა, თქვენც აეგრეთვემსგავსადუყოფდითმათ“ (ლუკა 6,31).

ეს ღვთაებრივი წვდომა ადამიანური უძლურებისა და დაუშრეტელი მისწრაფება კაცისა ზეცისაკენ, ცოდვით დაცემის შედეგად დაკარგული სამოთხისაკენ, გასაგებს ხდის ღმერთის დიდბუნებოვნებასა და სულგრძელებას სულით ტანჯული ადამიანისადმი, რომლის გადარჩენაც მას სურს.

თუმცა გაგება სრულიადაც არ ნიშნავს ცოდვიანი მდგომარეობის მოწონებასა და მიღებას, არამედ სათუთ მოპყრობას და მიდგომას ცოდვით თუ უმეცრებით გაწამებული ადამიანისადმი, თუ ამ უკანასკნელს კეთილი ნება და სურვილი გააჩნია.

ჩვენს დროში გაგების წყურვილი გაცილებით ძლიერია, ვიდრე უწინ.

ჩვენ ინდივიდუალიზმის ეპოქის ტრაგედიას განვიცდით.

არა მრავალნი არიან, რომელთაც ასხენ ყურნი, რათა სასმენელნი მიუპყრონ მოყვასს, გაუგონ მას და შეუძნებულნი ჯვარი. არადა რამდენად ნათელი იქნებოდა ცხოვრება ამუტკბესი და კეთილისმოქმედი „დამამშვიდებელი“ – ურთიერთგაგებით! და რა მარტივია მისი ბოძება, თუ კი მოვინდომებთ! და მაშინ ღმერთი დაგვაჯილდოვებს იმავეთი, ადამიანებს რომც არ შეეძლოთ მისი მოცემა.

რას მიანიშნებს ასობით ახალგაზრდა ყმაწვილის სტუმრობა ბერებთან ათონის წმიდა მთასა თუ საბერძნეთის სხვა ადგილებში, მხოლოდ ერთს, რომ ისინი ეძიებენ ღმერთის კაცს, რომელიც მათ მოუსმენდა, გაუგებდა, ღმერთისმიერ რჩევა-დარიგებას არ დაიშურებდა და ანუგეშებდა. დაე, აღადგინოს უფალმა ამგვარი სულიერი მამანი და დედანი, რათა დაარწყულოს გაგებისა და დამოძღვრის წყურვილი თავისი ხალხისა.

ოჯახშიც ასევე უნდა სუფევდეს ურთიერთგაგება და სიყვარულით თანადგომა, განსაკუთრებით კი,

ოჯახის წევრების სულიერ მოთხოვნათა გათვალისწინებით. სხვაგვარად შედეგები ხშირად სავალალოა: სიცივე, მარტოობის შეგრძნება, წყენა, უფსკრული ამოუვსები!

არც თუ ისე ძნელია, შევცვალოთ ჩვენი მოპყრობა, თუ ვიფიქრებთ, რომ ვიღაცის სული – მსგავსი ღმერთისა, ცხოვრობს და სუნთქვას ჩვენს გვერდით, ჩვენი გულისხმიერების, ღიმილის და შეწევნის მოლოდინში. რაც არ უნდა გამხეცებული და დაცემული მოგვეჩვენოს იგი, სული მაინც ყოველთვის ღმერთის ხატებად რჩება!

და ნურც ანდაზას დავიფიქვებთ: „ეკლებიანი ზღარბიც კი არ დაგხვლეთს, თუ მზრუნველად და ფაქიზად შეავლებ ხელს“...

საბედისწერო დაგვიანება

მძიმე სულიერი მდგომარეობისას თანაგრძნობისა და გულისხმიერების არქონამ, შეიძლება საშინელი შედეგები გამოიღოს, როგორც ქვემოთ მოყვანილ შემთხვევაში.

ეს საზარელი ამბავი ერთ ხანდაზმულ კაცს, კეთილ ქრისტიანსა და ეკლესიის მსახურს შეემთხვა. ის მთელი დარჩენილი ცხოვრება მუდამ იხსენებდა მომხდარს და ცრემლით და ღრმა სინანულით იგლოვდა.

ერთ დილას იგი ეკლესიიდან მთავარეპისკოპოსის სახლისაკენ მიემართებოდა, რომელიდაც საეკლესიო საკითხთან დაკავშირებით დათქმულ შეხვედრაზე. ცენტრალურ ქუჩაზე, ნაცნობ ახალგაზრდა კაცს გადაეყარა. კაცი თავს არ ეკუთვნოდა, გაშმაგებული იყო, გაწეწილი თმებით და სასოწარკვეთილი სახით.

მამასახლისი შეძრა მისმა სახემ.

– „რა მოგივიდა გიორგი, რა მოხდა?“... მხოლოდ ამის თქმა მოასწრო, რომ ის აფეთქდა.

– „შემეშვი, ბატონო ღიმიტრი, დამანებე თავი! აღარ შემიძლია სახლში გაძლება! თავს დავიხრჩობ, წყალში გადავვარდები!“

– „აბა, რას ამბობ?“ – შეეპასუხა მოხუცი.

– „იმას, რაც გესმის! გაქვს ცოტაოდენი დრო? ყველაფერს მოგიყვები, გულს მოვიოხებ, სულს მოვითქვამ!“ , ჰკითხა იმ იმედით, რომ მამასახლისი გულისხმიერებას გამოიჩენდა, დროს დაუთმობდა და მოუსმენდა.

მაგრამ ვაი, რომ სამწუხაროდ, მან ვერ შეაფასა სიტუაცია და უთხრა:

„სინარულით მოგისმენდი, ჩემო კარგო, მაგრამ ახლა შეხვედრა მაქვს მეუფესთან დანიშნული. გინდა, მოგვიანებით დავსხდეთ კაფეში?“... –შესთავაზა ღიმიტრიმ.

უარით გასტუმრებული და იმედგაცრუებული მშრალად დათანხმდა „კარგიო“ და უფრო მეტად აღელვებული დაშორდა.

■ მღვიძარე სინდისი

„ღლითი ღღე ახლოს სასუფეველთან“*

მართალი აღსასრული



ერთი ღვთისმოსავი ქალი (სხვა სულიერ ღვანლთან ერთად) მუდამ ცდილობდა დაემარხა სიკვდილის სიონა და ხსენება სასუფეველისა, „რომელი

განუმზადა ღმერთმან მოყუარეთა თვისთა“ (1კორნთ. 2,9).

იგი ყოველღღე ყურადღებით გამოეძიებდა საკუთარ სინდისს და როგორც კი იხილავდა რაიმე შეცოდების კვალს, მაშინვე თავისუფლდებოდა მათგან სულიერ მოძღვართან ცოდვების აღიარებით.

ასეთმა სულიერმა საქმიანობამ მას ერთგვარი ღვთისსათნო ჩვევა შესძინა: ყოველ საღამოს განწმენდილი სინდისით თავისთვის ამბობდა:

- „ღღე ეს განვლე მშვიდობით, ერთით ღლით ახლოსა ვარსამოთხის კართან!“

ამგვარად, უფალთან შესახვედრად ყოველღღიურად თავის განმზადებაში გადიოდა ღღეები და ყოველ საღამოს ისევ ისმოდა:

- „ერთი ღლით უფრო ახლოს სასუფეველთან“

ქალმა იქორწინა, წლებმა შესძინა შვილნი და შვილნი შვილთანი, მაგრამ მისი მართალი სული არ დამცხრალა ჩვეული სულიერი

მოღვანებისგან - ყოველ საღამოს განწმენდდა გულს და ღვთის სიახლოვის განცდით აღვსილი საკუთარ თავს კვლავ არ აკლებდა ნუგეშისცემას - იმეორებდა:

- „ერთი ღლით უფრო ახლოს სასუფეველთან“.

ერთ ღღეს ქალმა უძღურება იგრძნო და საღამოს მასთან შემოკრებილ შვილებს უთხრა:

- „ჩემო შვილებო, კიდევ ერთი ღლით მივეახლები ღვთის სასუფეველს“.

მეორე ღლით გაღვიძებისთანავე ქალი-შვილს გაუმხილა:

- „მოინია ჟამი, დადგა ღღე! ღღეს განგემორებით... უხმე ყველას...“

კურთხევის მისაღებად შემოკრებილნი ქალმა ყველა სათითაოდ დალოცა. მერე კი საკუთარ თავთან განმხოლოებული განუწყვეტლივ იმეორებდა:

- „მოინია ჟამი, დადგა ღღე! დადგა ნუთი, დადგა წამი!“

უცებ მისი სახე უცხოდ გაბრწყინდა და ბაგეებს ზეციური ღიმილი დაეფინა. მთელი ოთახი ნათლით აივსო და ქალის სული ზეცად აღფრინდა. სარეცელთან შემოკრებილნი მღუმარედ დაჰყურებდნენ დედის სახის საუცხოო მშვენიერებას, რომელიც ანგელოზებთან ერთად ზეცაში ასული, ზეციური სანახების მშვენიერებით უკვე საუკუნო ტკბობისთვის განმზადებული, მისი მართალი სულის ნეტარებას გამოხატავდა.

(*) დეკანოზი სტეფანე კ. ანაგნოსტოპულოს, „ქრისტეში ცხოვრების გზა, საფეხურები“ გვ. 80, პირეა 2011.



✈ თორმეტ საათზე მამასახლისი სახლში დაბრუნდა, მეუღლემ სადილი გაუმზადა. სადილობისას ტელეფონმა დარეკა. ცოლმა აიღო ყურმილი და იმისგან რაც მოისმინა, გაშეშდა და იმავე მდგომარეობაში დარჩა გაქვავებული, ყურმილით ხელში. აღელვებული მამასახლისი შეეკითხა, თუ რა ხდებოდა.

„მე მითხრეს, რომ გიორგი ნავსადგურში დაიღრჩო. ის ეხლახანს იპოვეს წყალში ჩაძირული!“

მეხის დაცემა უფრო ნაკლებად შესძრავდა მოხუცს.

„ეს მე მოვკალი, გიორგი!“... წამოიძახა სასოწარკვეთით აცრემლებულმა დიმიტრამ.

ცოლი ამაოდ ცდილობდა ენუგეშებინა მეუღლე.

- „რატომ, რატომ გადავდე და არ მოვუსმინე? განა მეუფე გაბრაზდებოდა ჩემზე, მისთვის რომ ამეხსნა?“...

მრავალ სულიერ მოძღვარს აღუარა ეს საბედის-

წერო შეცდომა. მაგრამ სინდისი, მიუხედავად შენდობის ლოცვებისა, მთელი დარჩენილი ცხოვრება ტანჯავდა.



* * *

ამ კეთილი ქრისტიანის თავს გადამხდარმა უბედურმა შემთხვევამ უნდა დაგვაფიქროს და დაგვეხმაროს გულისხმიერად მოვეკიდოთ მოყვასს გასაჭირში. შეუვრდეთ ღმერთს და ვილოცოთ, რომ მოგვანიჭოს მაღლი გულისხმისყოფისა, ნუგეშისცემისა და თანადგომისა.

შეწევნითა ღმრთისათა!...

(*) „სულიერი სამყაროს გამოვლინებანი - ამბები ზეციდან - ნიშ-სასწაულები“ გამომც. ვარნაკოვის ყოვლადწმინდა ღვთისმშობლის სახელობის მონასტერი, ღორიდა 2009, გვ. 222, 231.

→ დასაწყისი იხ. მე-2 გვერდზე • გღირსი შიო

საქმისაჲ, რომლითა გულსავსე ვიქმნეთ“.

სათონ-უჩნდა სიტყუჲ ესე კათალიკოზსა, და აღმსობილმან განთიად, ამცნო ყოველთა ეპისკოპოსთა, რათათა დღესასწაული მარტყლი-საჲ მუნ აღასრულონ. და ევედრა ყოველთა ლოცვასა. ხოლო თუთ მიიწია მღვმედ სარკინისა, წინაშე საფლავსა ნეტარისა შიოჲსსა დაადლო თავი თუხი და მრავლითა სინანულითა და ცრემლითა ესრეთ ეტყოდა: „მამაო, განფინენ წმიდანი ლოცვანი შენნი მამობრივნი წინაშე ღმრთისა, და მითხოვე შენდობაჲ, რამეთუ განვარისხე ღმერთი უღებებითა ჩემითა და მე არა განვიდე ამიერ, ვიდრემდე მოვიდო გულსავსებაჲ ბრალთა შენდობისაჲ“.

და დაადგრა მღვმესა მას შინა ფრიადითა გულსმოდგინებითა ლოცვისა და მარხვისა მიერ.

მოიწია ღამწ წმიდისა და დიდებულისა კურიაკისაჲ და მიერულა სარმიანეს სიმაშურა-ლითა და იხილა, ვითარმცა დგა წინაშე გოლგოთასა, და ხედვიდა მუნ ჯუარცმულსა ქრისტესა ღმერთსა ჩუენსა, და ეპყრა იგი კაცთა ვიეთმე საშინელთა. და შეიყვანეს წინაშე ჯუარცმულისა მის და მიჰკლიდეს სიტყუასა შეცოდებისა მისთუხს. ხოლო იგი აქა და იქი იხედვიდა, რათამცა შემწვე-იყო ვინმე, და არავის ჰპოებდა. და აჰა, მიმყოვრებით-რე ხედვიდა, რამეთუ დიდებული იგი მღღელმთავარი კურილე, რომელი ეხილვა პირველ, და ნეტარი მამაჲ შიო, მისვე ჯუარიანისა კუერთხისა კელთა შინა მქონებელი, შეიყვანეს მუნ დიდითა პატივითა და დიდითა ბრწყინვალეებითა შემოსილნი. წარდგეს უკუე წინაშე ჯუარცმულისა ქრისტესსა კანდიერად და ევედრებოდეს სარმიანეთუხს.

ხოლო ჯუარცმულისა მისგან მყოვარ სადმე მოიღეს ბრძანებაჲ ესრეთ: „ხედავთა, თუ ვითარ ვიწყლვი ჯუარისა ამისგან, და რომელთა მიერ დღითი-დღე შემემთხუევის, მტერნი ჩემნი შეიყვანნა ჭამად ჯორცისა ჩემისა და სუმაღ მისცა მათ სისხლი ჩემი და არა არს ღირს შენდობისა სარმიანე, გარნა სიყუარულისა თქუენ-სათუხს და ვედრებისა, მიმიცემიეს შენდობაჲ, და არქუთ, რათათა ამიერთგან ეკრძალოს“.

ხოლო მოვიდეს დიდებულნი იგი მამანი და

ეტყოდის სარმიანეს: „მამო, განმართე თავი შენი ამიერთგან და ეკრძალე“. და მოიღეს იგივე ზეწარი და შეჰმოსეს მას.

განილვა უკუე ჩუენების მისგან სარმიანე და აღივსო გული მისი სიხარულითა, გარნა იჭვინულ იყო თუ, ნუ-თუ არა ჭეშმარიტ იყოს ზილვაჲ იგი.



ხოლო გან-რამ-თენამოიწია ფილიპე ეპისკოპოსი, რომელი წარმოევლინა კრებასა მას ეპისკოპო-სთასა, და მოიღო ეპისტოლე, რომელსა აქუნდა წერილი ესე:

„დიდსა მამამთავარსა მეუფესა ჩუენსა სარმიანეს: გიხაროდენ! შვილნი შენნი და სიწმიდისა შენისა მრწემნი ყოველნი ეპისკოპოსნი გაუწყებთ, რათათა არღარა დააშრობდე მოხუცებულსა გუამსა შენსა, რამეთუ მოწყალე ჰყვეს ღმერთი დიდებულისა მაგის წმიდისა მამისა შიოჲს მეოხებითა და გამოგზნდა უღირსთა მონათა მისთა, რიცხუთ ხუთთა, და თუთოეულსა გუბრძანა, ვითარმედ: „მიუტევა ღმერთმან სარმიანეს კათალიკოზსა ბრალნი მისნი, და აწ შეუორგულებელად მიიყვანეთ მწყემსი თქუენი“. აწ გუბრძენ სიწმიდემან შენმან, რათათა ყოველნი მანდა მოვიდეთ და მადლი აღუაროთ საკურველთმოქმედსა მამასა შიოს“.

ესე რამ წიგნი აღმოიკითხა, გულპყრობილ იქმნა სარმიანე, და ბრძანა ყოველთა ეპისკო-პოსთა მუნ მოსლვაჲ, ყოველსა თანა სავსებასა ეკლესიისასა, და მრავალი მადლობაჲ შეწირა ღმრთისა და ნეტარისა მამისა შიოჲს მიმართ, და სამადლობელად ამისთუხს განუჩინა, რათათა კანდელი ერთი და სანთელი ერთი დაუშრეტელად კათოლიკე ეკლესიით ენთებოდის საფლავსა წმიდისა შიოჲსსა.

დიდება ღმერთსა სრულმყოფელსა ყოვლისა კეთილისასა ყოვლადვე აწ და მარადის და უკუნითი-უკუნისამდე, ამენ.



• საფოსტო მისამართი: წმიდა ანგელოზების სახელობის მონასტერი, 145 65 აგიოს სტეფანოს, ს.ე. 51891, საბერძნეთი. • ელექტრონული მისამართი (ე-მაილ): mhangers@hsir.org • ტელეფონი: (+30) 22950 22582 • ფაქსი: (+30) 22950 22582 • გამოიცემა 8 ენაზე: ბერძნული, რუსული, ინგლისური, ფრანგული, იტალიური, შვედური, ჩეხური, ქართული (www.hsir.org/Publications_en/OikodomiParamythia.html) • გაიცემა და იგზავნება უფასოდ. • საბერძნეთის ჭეშმარიტი მართლმადიდებელი ქრისტიანების ეკლესიის მისი ყოვლადუსამღვდელოესობა ოროპიისა და ფილის მიტროპოლიტ კვიპრიანეს კურთხევითა და ზედამხედველობით.